

水經注卷八

漢 桑

欽撰

後魏酈道元注

濟水二

濟水又東至乘氏縣西分爲二

春秋左傳僖公二十四年

左傳作三十一年

分曹地東傳

於濟濟水自是北東流出巨澤其一水

宋本水下有東字

南流其一水從縣東北流入鉅野澤

南爲荷水北爲濟瀆

荷當作荷

荷與荷古字通

水經注

卷八

逕乘氏縣與濟渠濮溝

李二云溝當作渠

合北濟自濟陽縣

北東北逕煮棗城南郡國志曰宛胸縣有煮棗城

卽此也漢高祖十二年封韋朱爲侯國

孫云史記年表煮棗

靖侯赤索隱曰漢表作韋朱革音棘棘子成之後

北濟又東北逕宛胸縣故城北

又東北逕呂都縣故城南王莽更名之曰祁都也

又東北逕定陶縣故城北漢景帝以濟水出其北

東注

宋本作流

中元六年分梁於定陶置濟陰郡指爲

濟而定名也



又東北與濮水

謝云濮水下疑有合字或會字

上承濟水於封丘縣卽地理志所謂濮渠水首受濟者也。關駟曰首受別濟卽北濟也。其故瀆自濟東北流左迤爲高梁陂方三里。濮水又東逕匡城北。孔子去衛適陳遇難於匡者也。又東北左會別濮水。受河於酸棗縣故杜預云濮水出酸棗縣首受河。竹書紀年曰魏襄王十年十月大霖雨疾風河水溢酸棗郭漢世塞之。故班固云大堙酸棗也。今無水其故瀆東北逕南北二棗城間。左傳襄公

水經注

卷八

二

五年楚子囊伐陳公會于城棗以救之者也。濮渠

又東北逕酸棗縣故城南。韓國矣。圈稱曰昔天子

建國名都或以姓名或以山林

古本作或以合名或以山林吳本改

作姓名玉海十五卷內引此文亦作合名

故豫章以樹氏都酸棗以棘

名邦故曰酸棗也。漢官儀曰舊河堤謁者居之城

西有韓王望氣臺。孫子荆故臺。賦叙曰酸棗寺門

外夾道左右有兩故臺訪之國老云韓王聽訟觀

臺高一十五仞雖樓泯滅

謝云樓下當有樹字

然廣基似於

山嶽召公大賢猶舍甘棠區區小國而臺觀隆崇

驕盈於世以鑒來今故作賦曰薨丘陵之邈迤
五嶽之嵯峨言壯觀也城北韓之市地也聶政爲
濮陽嚴仲子刺韓相俠累遂披面而死其姊哭之
於此城內有後漢酸棗令劉孟陽碑濮水北稱成
陂陂方五里號曰同池陂又東逕胙亭東注故胙
國也富辰所謂邢茅胙祭周公之胤也濮渠又東
北逕燕城內故南燕姑姓之國也有北燕故以南
氏縣東爲陽清湖陂南北五里東西三十里亦曰
燕城湖逕桃城南卽戰國策所謂酸棗桃虛也
古本

水經注

卷八

作虛桃者埤按漢高帝十二年封劉襄爲侯國而秦策亦作虛桃

東注于濮俗謂之朝平溝濮渠又東北又與酸水
故瀆會酸瀆首受河於酸棗縣東逕酸棗城北延
津南謂之酸水竹書紀年曰秦蘇胡率師伐鄭韓
襄敗秦蘇胡于酸水者也酸瀆水又東北逕燕城
北又東逕滑臺城南又東南逕瓦亭南春秋定公
八年公會晉師於瓦魯尚執羔自是會始也又東
南會于濮世謂之百尺溝濮渠之側有漆城竹書
紀年梁惠成王十六年邯鄲伐衛取漆富丘城之

者也。或亦謂之濮苑亭。春秋審武子與衛人盟于苑濮。杜預曰：長垣而南，近濮水也。京相璠曰：衛地也，似非關苑而不知其所。竹書紀年：梁惠成王五年，公子景賈率師伐鄭，韓明戰于陽。一作我師敗 年，公子景賈率師伐鄭，韓明戰于陽。 逋，澤北壇陵亭，亦或謂之大陵城，非所究也。又有桂城，竹書紀年：梁惠成王十七年，齊田期伐我東鄙，戰于桂陽，我師敗逋。亦曰桂陵。案史記：齊威王使田忌擊魏，敗之桂陵。齊於是疆，自稱為王。以令天下。濮渠又東，逕蒲城北。故衛之蒲邑。孔子將之

水經注

卷八

衛子路出於蒲者也。韓子曰：魯以仲夏起長溝，子路為蒲宰，以私粟饋眾。孔子使子貢毀其器焉。余案家語：言仲由為蒲宰，修溝瀆，與之簞食瓢飲。夫子令賜止之，無魯字。又入其境，三稱其善，身為大夫，終死衛。難濮渠又東，逕韋城南，即白馬縣之韋鄉也。史遷記曰：夏伯豕韋之故國矣。城西出而不方，城中有六大井，皆隧道，下俗謂之江井。也有馳道，自城屬于長垣。濮渠東絕，東馳道逕長垣縣故城北，衛地也。故首垣矣。秦更從今名，王莽改為長

譚云四語可
作仲由贊不
更斷綴一品

固縣陳留風俗傳曰縣有防垣故縣氏之孝安帝以建光元年封元舅來一作俊為侯國縣有祭城

濮渠逕其北鄭大夫祭仲之邑也杜預曰陳留長

垣縣東北有祭城者也圈稱又言長垣縣有羅亭

故長羅縣也漢封後將軍常惠為侯國地理志曰

王莽更長羅為惠澤後漢省并長垣有長羅澤即

吳季英牧猪處也埠按後漢書吳祐字季英年二十喪父居無擔石常牧豕長垣

澤中後舉孝廉官河間相又有長羅置蘧伯玉置陳留風俗傳

曰長垣縣有蘧伯鄉一名新鄉有蘧亭伯玉祠伯

水經注

卷八

玉冢曹大家東征賦曰到長垣之境界兮察農野

之居民觀蒲城之丘墟兮生荆棘之藜藜蘧氏在

城之東南兮民亦饗其丘墳唯令德之不朽兮身

既没而名存昔吳季札聘上國至衛觀典府賓亭

父疇以衛多君子也左傳云延陵季子去鄭適衛說蘧伯玉史狗史繭公子荆

公子發公子朝曰衛多君子未有患也此云觀典府賓亭父疇未詳濮渠又東分為

二瀆北濮出焉濮渠又東逕須城北衛詩云思須

與曹也毛云須衛邑矣鄭云自衛而東逕邑故思

濮渠又北逕襄丘亭南竹書紀年曰襄王七年韓

譚六占人多寄迹於牧豕亦有清名

明率師伐襄丘十一一作九年楚庶章率師來會我次

于襄丘者也。濮水東逕濮陽縣故城南昔師延為

紂作靡靡之樂武王伐紂師延東走自投濮水而

死矣後衛靈公將之晉而設舍於濮水之上夜聞

新聲召師涓受之於是水也。濮水又東逕濟陰離

狐縣故城南王莽之所謂狐瑞也。吳本作瑞狐郡國志

曰故屬東郡濮水又東逕葭密縣故城北竹書紀

年幽王十三年舊本作幽公魯季孫會晉文公一作宋本無十字

公於楚丘即葭密遂城之濮水又東北逕鹿城南

水經注 卷八

郡國志曰濟陰乘氏縣有鹿乘鄉春秋僖公二十

一年盟于鹿上京杜並謂此亭也。濮水又東與句

瀆首受濮水枝渠於句陽縣東南逕句陽縣故城

南春秋之穀丘也。左傳以為句瀆之丘矣。縣處其

陽故縣氏焉。又東入乘氏縣左會濮水與濟同入

鉅野。故地理志曰濮水自濮陽南入鉅野亦經所

謂濟水自乘氏縣兩分東北入於鉅野也。

濟水故瀆又北右合洪水。

上承鉅野薛訓渚歷澤西北渚又北逕闕鄉城西

疑脫誤良多

譚云虫尤旗
見於天復署
於地亩人之
氣何乃爾也

春秋桓公十有一年經書公會宋公于闕郡國志
曰東平陸有闕亭皇覽曰虫尤冢在東郡壽張縣
闕鄉城中冢高七尺常十月祠之有赤氣出如絳
民名爲虫尤旗十三州志曰壽張有虫尤祠又北
濟瀆合自渚迄于北口一百二十里名曰洪水桓
溫以太和四年率衆北入掘渠通濟至義熙十三
年劉武帝西入長安又廣其功自洪口已上又謂
之桓公瀆濟自是北注也春秋莊公十八年經書
夏公追戎於濟西京相璠曰濟水自鉅野至濟北

水經注

卷八

是也

又東北過壽張縣西界安民亭南汶水從東北來注
之

濟水又北汶水注之戴延之所謂清口也郭緣生
述征記曰清河首受洪水北流濟或謂清則濟也
禹貢濟東北會于汶今枯渠注巨澤巨澤北則清
水清水與汶會也李欽曰汶水出太山萊蕪縣西
南入濟是也濟水又北逕梁山東袁宏北征賦曰
背梁山截汶波卽此處也劉澄之引是山以澄梁

譚三慈乃生
勇雄哉呂母
故足與仲悌
併傳

父為不近情矣山之西南有呂仲悌墓河東岸有

石橋橋本當河河移故側岸也古老言此橋東海

呂母起兵所造也山北三里有呂母宅宅東三里

即濟水

東觀漢記海曲呂母之子為縣令所殺母破產結諸少年得數百人入海自稱將軍

遂破海曲執縣宰斬之以其首祭子冢

濟水又北逕須朐城西

城臨側濟水故須國風姓也春秋僖公二十一年

子魚曰任宿須朐顯史風姓也實司太皞與有濟

之祀

按左傳僖二十一年秋楚執宋公以伐宋冬會于薄以釋之子魚曰禍猶未也未足以懲

水經注

卷八

八

君則子魚之語已卒于此其任宿須朐等語別自更端為邾人滅須句張本此子魚曰三字宜刪

杜預曰須朐在須昌縣西北非也地理志曰壽張

西北有朐城者是也濟水西有安民亭亭北對安

民山東臨濟水水東即無鹽縣界也山西有冀州

刺史碑漢中平四年立

水又逕微鄉東

春秋莊公二十八年經書冬築郟京相璠曰公羊

傳謂之微在東平壽張縣西北三十里有故微鄉

魯邑也杜預曰有微子冢濟水又北分為二水其

今按杜注云郟魯下
無有微子冢向字

蓋此處有脫文

枝津西北出焉謂之馬頰水者也

又北過須昌縣西

京相璠曰須胸一國二城兩名蓋遷都須昌胸是

其本秦以為縣

公羊作須胸
左傳作須句

漢高帝十一年趙衍

為侯國濟水於縣趙溝水注之

濟水又北逕漁山東左合馬頰水

李云漁山作
魚山者是

水首受濟西北流歷安民山北又西流趙溝出焉

東北注于濟馬頰水又逕桃城東春秋桓公十年

經書公會衛侯于桃丘衛地也杜預曰濟北東阿

水經注

卷八

九

縣東南有桃即桃丘矣馬頰水又東北流逕山南

山即吾山也漢武帝瓠子歌所謂吾山平者也山

上有柳舒城魏東阿王曹子建每登之有終焉之

志及其終也葬山西西

宋本無
西字

去東阿水四十里

其水又東注于清濟謂之馬頰口也

濟水自魚山北逕清亭東

春秋隱公四年公及宋公遇于清者也京相璠曰

今濟北東阿東北四十里有故清亭即春秋所謂

清者是濟水通得清之目焉亦水色清深用兼

厥稱矣是故燕王曰吾聞齊有清濟濟河以爲固
卽此水也

又北過穀城縣西

濟水側岸有尹卯壘南去漁山四十餘里是穀城
縣界故春秋之小穀城也齊桓公以魯莊公二十
三年城之邑管仲焉城內有夷吾井魏土地記曰
縣有穀城山山出文石陽穀之地春秋齊侯未公
會于陽穀者也穀有黃山臺黃石公與張子房期
處也又有狼水出東南大檻山狼溪西狼溪西北

水經注

卷八

十

逕穀城西又北有西流泉出城東近山西北逕穀
城北西注狼水以其流西故卽名焉又西北入清
水城西北三里有項王羽之冢半許毀壞石碣尚
存題云項王之墓皇覽云冢去縣十五里謬也今
彭城穀陽城西南又有項羽冢非也余按史遷記
魯爲楚守漢王示羽首魯乃降遂以魯公禮葬羽
於穀城寧得言彼也

濟水又北逕周首亭西

春秋文公十有二年左丘明云襄公二年王子成

父獲長狄僑如弟榮如埋其首於周首之北門卽是邑也。按左傳文公十一年晉之滅潞也獲僑如之弟焚如齊襄之二年鄭瞞伐齊齊王子城父獲其弟榮如埋其首於周首之北門今世謂之盧子城濟北郡治也京相璠曰今濟北所治盧子城故齊周首邑也又北過臨邑縣東

地理志曰縣有濟水祠也王莽之穀城亭也水有石門以石爲之故濟水之門也春秋隱公五年齊鄭會于石門鄭車憤濟卽於此也。左傳作三年憤作憤京相璠曰石門齊地今濟北盧縣故城西南六十里有

水經注

卷八

十一

故石門去水三百步蓋水瀆流移故側岸也

濟水又北逕平陰城西

春秋襄公十八年晉侯沈玉濟河會于魯濟尋湏梁之盟同伐齊齊侯禦諸平陰者也杜預曰城在盧縣故城東北非也京相璠曰平陰齊地也在濟北盧縣故城西南十里平陰城南有長城東至海西至濟河道所由名防門去平陰三里齊侯塹防門卽此也其水引濟故瀆尚存今防門北有光里一齊人言廣音與光同卽春秋所謂守之廣里者也

傳塹
山守之
分爲
叙且
蘇動

杜氏言防門之壅橫
廣一里以字絕句
可義與別不特東
西南各五異也

又云巫山在平陰東北昔齊侯登望晉軍畏衆而
歸師曠那伯聞烏鳥之聲知齊師潛遯人物咸淪
地理昭著賢於杜氏東北之證矣今巫山之上
有石室世謂之孝子堂濟水右迤過爲湄湖方四十
餘里

濟水又東北至垣苗城西

故洛當城也伏韜北征記曰濟水又與清河合流
至洛當者也宋武帝西征長安令桓遵鎮此故俗
人有桓苗之稱河水自泗瀆口東北流而爲蒲魏

水經注

入卷八

十二

土地記曰盟津河別流十里與清水合亂流而東
逕洛當城北黑白異流涇渭殊別而東南流注也
又東北過盧縣北

濟水東北與湄溝合水上承湄湖北流注濟爾雅
曰水草交曰湄通谷者微捷爲舍人曰水草木交
合也按爾雅疏李巡云水中有草木交會曰湄郭景純曰微水邊通谷
也釋名曰湄眉也臨水如眉臨目也

濟水又逕盧縣故城北

濟北郡治也漢和帝永元二年分泰山置蓋以濟

潭云箋注謂
水下腕中有
二字不知引
刪政作水草
水三合乃妙
又云如眉臨
百語甚媚

水在北故也濟水又逕什城北城際水湄故邸閣也祝阿人孫什將家居之以避時難因謂之什城焉

濟水又東北與中川水合

水東南出山荏縣之分水縣

宋作嶺

溪一源兩分泉

流半解亦謂之分流交半水南出太山入汶半水

出山荏縣西北流東逕太原郡南郡治山荏西北

與漢賓谷水合水出南格馬山漢賓溪北逕盧縣

故城北陳敦戍南西北流與中川合謂之格馬口

水經注

卷八

十三

其水又北逕盧縣故城東而北流入濟俗謂之爲

沙溝水

濟水又東北右會玉水

導源太山朗公谷谷舊名琨瑞溪有沙門竺僧朗

少事佛圖澄碩學淵通尤明氣緯隱于此谷因謂

之朗公谷故車頻秦書云苻堅時沙門竺僧朗嘗

從隱士張巨和遊巨和嘗穴居而朗居琨瑞山大

起殿舍連樓疊閣雖素飾不同並以靜外致稱卽

此谷也水亦謂之琨瑞水也其水西北流逕玉符

漢分得石

中便成常語

翻信及迹乃

山又曰玉水又西北逕獵山東又西北統祝阿縣
故城東野井亭西春秋昭公二十五年經書齊侯
信公于野井是也春秋襄公十九年諸侯盟于祝
阿春秋左傳所謂督陽者也漢興改之曰阿矣漢
高帝十一年封高邑為侯國王莽之安成者也故
俗謂是水為祝阿澗水北流注于濟建武五年耿
弇東擊張步從朝陽橋濟渡兵即是處也
濟水又東北灤水出焉

水經注

入卷八

灤水出歷縣故城西南泉源上奮水涌若輪謝云舊疑

作奮一本無舊水二字春秋桓公十八年公會齊侯于灤是

也俗謂之為娥姜一作英水也以泉源有舜妃娥英

廟故也城南對山山上有舜祠山下有大穴謂之

舜井抑亦茅山禹井之比矣書舜耕歷山亦云在

此所未詳也其水北為大明湖西即大明寺東

北兩面側湖此水便成淨池也池上有客亭左右

楸桐負日俯仰目對魚鳥極極下脫一字水木明

瑟可謂濠梁之性物我無違矣湖水引瀆東入西

郭東至歷城西而側城北注湖水上承東城歷祀

評云負日俯仰妙於寫生詩賦中未有此句明字連其意更添

李二云
作祠

下泉源競發其水北流逕歷城東又北引水為流杯池州僚賓燕公私多萃其上分為二水右水北出左水西逕歷城北西北為陂謂之歷水與灤水會自水枝津合水首受歷水於歷城東東北逕東城西而北出郭又北注灤水又北聽水出焉灤水又北流注于濟謂之灤口也

濟水又東北脫一華不注山

單椒秀澤不連丘陵以自高虎牙桀立孤峯特拔以刺天青崖翠發望同點黛山下有華泉故京相

水經注 卷八 十五

潘曰春秋土地名也華泉華不注山下泉水也春

秋左傳成公二年齊頃公與晉郤克戰于鞏齊師敗績逐之三周華不注逢丑父與公易位將及華

泉驂絙於木而止丑父使公下如華泉取飲齊侯以免韓厥獻丑父郤子將戮之呼曰自今無有代

其君任患者有一於此將為戮矣郤子曰人不難以死免其君我戮之不祥赦之以勸事君者乃免

之即華水也北絕聽瀆二十里注于濟又東北過臺縣北

鍾云小賦中
有此數語便
遊篇警言妙
琛齊
白附讀
不謂花
之言此山
如花附
注於水此

巨合水南出雞山西北北逕巨合故城西耿弇之
討張步也守巨里卽此城也三面有城西有深坑
坑西卽弇所營也與費邑戰斬邑於此巨合水又
北合關盧水關盧水導源馬耳山北逕博亭城西
西北流至平陸城與武原水合水出譚城南平澤
中世謂之武原泉北逕譚城東俗謂之有城也又
北逕東平陵縣故城西故陵城也後乃加平譚國
也齊桓之出過譚譚不禮焉魯莊公九年卽位又
不朝十年滅之城東門外有樂安任照先碑濟南

水經注

卷八

十六

治也漢文帝十六年置爲王國景帝二年爲郡王
莽更名樂安郡其水又北逕巨合城東漢武帝以
封城陽頃王子劉發于爲侯國其水合關盧水而
出注巨合水西北逕臺縣故城南漢高帝六年封
東郡尉戴野爲侯國王莽之臺治也其水西北流
白野泉水注之水出臺城西南白野泉北逕留山
西北流而右注巨合水又北聽水注之水上承灤
水東流北屈又東北流注于巨合水亂流又北入
于濟

濟水又東北合芹溝水

水出臺縣故城東南西北流逕臺城東又西北入于濟水

又東北過營縣南

濟水東逕縣故城南漢景帝二年封齊悼惠王子罷軍為侯國右納百脉水百脉水出土穀縣故城西水源方百步百泉俱出故謂之百脉水其水西北流逕楊丘縣故城中漢孝景帝四年以封齊悼惠王子劉安為楊丘侯世謂之章丘城非也城南

水經

卷八

十七

有女郎山山上有神祠俗謂之女郎祠左右民祀焉其水西北出城北逕黃巾固蓋賊所屯故固得名焉百脉水又東北流注于濟濟水東又有楊渚溝水逕於陵故城西南西北逕土鼓城東又西北逕章丘城東又北逕甯西而北流注于濟水也

又東過梁鄒縣北

隴水

孫云當作瀧水瀧有籠雙二音

南出長城中北流至般陽縣

故城西南與般水會水出縣東南龍山俗亦謂之為左阜水西北逕其城南王莽之濟南亭也應劭

證云勾萌甲
新萌甲可通

中是所出萌是所
運孫說未審

曰縣在般水之陽縣資名焉其水又南屈西入瀧水北逕其縣西北流至萌水口萌水出西南甲山

孫云當作萌山東北逕萌山西東北入于瀧瀧水又西北

至梁鄒東南與魚子溝水合水南出長白山東柳

泉口山即陳仲子夫妻之所隱也孟子曰仲子齊

國之世家兄戴祿萬鍾仲子非而不食避兄離母

家于於陵即此處也其水又逕於陵縣故城西王

莽之於陸也世祖建武十五年更封則鄉侯侯霸

為侯國其水北流注于瀧水瀧水即古袁水也故

水經注

卷八

京相璠曰濟南梁鄒縣有袁水者也瀧水又西北

逕梁鄒縣故城南又北屈逕其城西漢高祖六年

封武虎為侯國史記作武儒漢書作武虎其水北注濟其城之

東北又有時水西北注焉

又東北過臨濟縣南

縣故狄邑也王莽更名利居漢記安帝永初二年

改從今名以臨濟故地理風俗記云有樂安太守

治晏謨齊記曰有南北二城隔濟南水一本作水南城

即被陽縣之故城也北枕濟水地理志曰侯國也

如淳曰音減罷軍之罷也。漢志注如淳曰被一作疲音罷軍之罷減字疑

衞史記建元以來王子侯者年表曰漢武帝元朔

四年封齊孝王子敬侯劉燕之國也今渤海僑郡

治孫云按史記劉燕封披陽侯索隱曰披音皮劉氏音皮彼反

濟水又東北迤為淵渚謂之平州

溼沃側有平安縣故城溼沃縣名屬千乘郡俗謂之會城非

也案地理志千乘郡有平安縣侯國也王莽曰鴻

睦也應劭曰博昌縣西南三十里有安平亭故縣

也世尚存平州之名矣濟水又東北逕高昌縣故

水經注 卷八 十九

城西案地理志曰千乘郡有高昌縣漢宣帝地節

四年封董忠為侯國世謂之馬昌城此也舊本作北也

濟水又東北逕樂安縣故城南

伏琛齊記曰博昌城西北五十里有南北二城相

去三十里隔時濟二水指此為博昌北城非也樂

安與博昌薄姑分水俱同西北薄姑去齊城六十

里樂安越水差遠驗非尤明班固曰千乘郡有樂

安縣應劭曰取休令之名矣漢武帝元朔五年封

李蔡為侯國城西三里有任光等冢光是縣人不

得爲博昌明矣。濟水又經薄姑城北。後漢郡國志曰：博昌縣有薄姑城。地理書曰：呂尚封於齊郡薄姑。薄姑故城在臨菑縣西北五十里。近濟水。史遷曰：胡公徙薄姑。城內有高臺。春秋昭公二十二年。按左傳：昭公二十年，齊景公飲于臺上，曰：古而不死，何樂如之。晏平仲對曰：昔爽鳩氏始居之，季荝因之，有逢伯陵因之，薄姑氏又因之，而後太公又因之。臣以爲古若不死，爽鳩氏之樂非君之樂，卽於是臺也。濟水又東北，逕狼牙固西而東北流也。

水經注

卷八

二十

又東北過利縣西

地理志曰：齊郡有利縣，王莽之利治也。晏謨曰：縣在濟城北五十里。

又東北過甲下邑入于河

濟水東北至甲下邑南，東歷琅槐縣故城北。地理風俗記曰：博昌東北八十里有琅槐鄉，故縣也。山海經曰：濟水絕鉅野，注渤海，入濟琅槐東北者也。又東北河水枝津注之，水經以爲入河，非也。斯乃河水注濟，非濟入河。

又東北入海

郭景純曰濟自滎陽至樂安博昌入海今河竭濟水仍流不絕經言入河二說並失然河水於濟潔之北別流注海今所輟流者惟潔水耳郭或以爲濟注之事實非也尋經脉水不如山經之爲密矣其一水東流者過乘氏縣

河水分濟於定陶東北東南右合黃汲

李二云疑作黃溝枝

流俗謂之界溝也北逕元氏縣

孫云與常山別

故城西又

北逕景山東衛詩所謂景山與京者也毛公曰景

水經注

卷八

二十一

山大山也又北逕楚丘城西郡國志曰成武縣有

楚丘亭杜預云楚丘在成武縣西南衛懿公爲狄

所滅衛文公東徙渡河野處漕邑齊桓公城楚丘

以遷之故春秋稱邢遷如歸衛國志云

志云當卽作忘亡

詩所謂升彼墟矣以望楚矣望楚與堂景山與京

故鄭玄言觀其傍邑及山川也又東北逕成武城

西又東北逕郟城東疑郟徙也所未詳矣又東北

逕梁山城西地理志曰昌邑縣有梁丘鄉春秋莊

公三十二年宋人齊人會于梁丘者也杜預曰高

公深而醒
公穀文

似文中

似文中

去簡至明

是注此語

平昌邑縣西南有梁丘鄉又東北於乘氏縣西而
北注河水河水又東南逕乘氏縣故城南縣即秦
秋之乘丘也故地理志風俗記口濟陰乘氏縣故
宋乘丘邑也漢孝景中元五年封梁孝王子買為
侯國也地理志曰乘氏縣泗水東南至睢陵入淮
郡國志曰乘氏有泗水此乃河濟也尚書有導河
濟之說自陶丘北東至於菏水無泗水之文又曰
道菏澤被孟豬孟豬在睢陽縣之東北關駟十三
州記曰不言入而言被者明不常入也水盛方乃

水經注

卷八

二十二

覆被矣澤水淼漫俱鍾睢泗故誌有睢陵入淮之
言以通苞泗名矣然諸水注泗者多不止此可以
終歸泗水便得擅通稱也或更有泗水亦可是水
之兼其目所未詳也

又東過昌邑縣北

河水又東逕昌邑縣故城北地理志曰縣故梁也
漢景帝中元六年分梁為山陽國漢武帝天漢四
年更為昌邑國以封昌邑王賀賀廢國除以為山
陽郡王莽之鉅野郡也後更為高平郡後漢沈州

釋作李因下
有棠改字謬改

亦傳
千得斟酌

譚云召伯之
棠人令樹永
薛棠之樹樹
以人褒

譚云又東逕
以下不似經

縣令王密懷金謁東萊太守楊震震不受是其慎
四知處也大城東北有金城城內有沅州刺史河
東薛棠像碑以郎中拜刻令甘露降園熹平四年
遷州明年甘露復降殿前樹從事馮巡主簿華操
等相與褒樹表勒棠政次西有沅州刺史茂陽楊
叔恭碑從事孫光等以建寧四年立西北有東太
山成人班孟堅碑建和十年尚書右丞拜沅州刺
史從事秦闕當作闕等刊石頌德政碑咸列焉
又東過金鄉縣南

水經注 卷八 二十三

郡國志曰山陽有金鄉縣河水逕其故城南世謂
之故縣城北有金鄉山也

又東過東緡縣北濟水又東逕漢平狄將軍扶溝侯
淮陽朱鮪冢

墓北有石廟濟水又東逕東緡縣故城北故宋地
春秋僖公二十三年齊侯伐宋圍緡十三州記曰
山陽有東緡縣鄒衍曰余登緡城以望宋都者也
後漢世祖建武十一年封馮異長子璋為侯國也
又東過方與縣北為荷水濟水東逕重鄉城南

鹽云看下文
泥母當作寧

左傳所謂臧文仲宿於重館者也。菏水又東逕武棠亭北。公羊以為濟上邑也。城有高臺二丈許。其下臨水。昔魯侯觀魚於棠。謂此也。在方與縣故城北十里。經所謂菏水也。水又東逕泥母亭北。春秋左傳僖公七年秋盟于寧母。謀伐鄭也。菏水又東與鉅野黃水合。菏濟別名也。黃水上承鉅澤諸陂。澤有濛澱。音一作陂。黃湖水東流。謂之黃水。又有薛訓渚水。自渚歷薛村前。分為二流。一水東注黃水。一水西北入澤。即洪水也。黃水東南流水。南有

水經注

卷八

漢荊州刺史李剛墓。剛字叔毅。山陽高車人。按郡國志

山陽郡有高平縣。此作高車誤。熹平元年卒。見其碑。有石闕祠堂。

石室三間。椽架高丈餘。鏤石作椽瓦屋。施平天造

方井側。荷梁柱四壁。隱起雕刻。為君臣官屬龜龍

鳳之文。飛禽走獸之像。作制工麗。不甚傷毀。黃水

又東逕鉅野縣北。何承天曰。鉅野湖澤廣大。南通

洙泗。北連清濟。舊縣故城正在澤中。故欲置戍於

此城。城之所在。則鉅野澤也。衍東北出為大野矣。

昔西狩獲麟。於是處也。皇覽曰。山陽鉅澤縣有肩

一詩字恐
今棹楔
飾本此

前云黃尤冢在壽
張縣湖鄉城中則
與字之傳寫誤也

髡冢重聚大小與闕冢等史記注引皇覽作闕冢傳言蚩尤

與黃帝戰剋之於涿鹿之野身體異處故別葬焉

黃水又東逕咸亭北春秋桓公七年經書焚咸丘

者也水南有金鄉縣之東界也金鄉數山皆空中

穴口謂之隧也戴延之西征記曰焦氏山北數山

有漢司隸校尉魯恭穿山得白蛇白兔不葬更葬

山南鑿而得金故曰金鄉山山形峻峭冢前有石

祠石廟四壁皆青石隱起自書契以來忠臣孝子

貞婦孔子及弟子七十二人形像像邊皆刻石記

諱云載石如
列格寫得如
此明備

水經注

卷八

之文字分明又有石牀長八尺磨瑩鮮明叩之聲

聞遠近時太尉從事中郎傅珍之諮議參軍周安

穆折敗石牀各取去為魯氏之後所訟二人並免

官焦氏山東即金鄉山也有冢謂之秦王陵山上

二百步得冢口塹深十丈兩壁峻峭廣二丈入行

七十步得埏門門外左右皆有空可容五六十人

謂之白馬空埏門內二丈得外堂外堂之後又得

內堂觀者皆執燭而行雖無他雕鏤然治石甚精

或云是漢昌邑哀王冢所未詳也東南有范巨卿

云痴人好
重類如此
云兩人各
官博石
亦亦是具

石經釋義載此作名
許慎注云范曄案
南在恐名作一
世但知
范張知陳者
少當為表山

冢石柱猶存巨卿名式山陽之金鄉人漢荊州刺
史與汝南張劭長沙陳平子石交號為死友矣黃
水又東逕任城郡之亢父縣故城西夏后氏之任
國也漢章帝元和元年別為任城在北王莽之延
就亭也縣有詩亭春秋之詩國也後漢郡國志亢
父縣有郭亭
王莽更之曰順父矣地理志東平屬縣也世祖建
武二年封劉隆為侯國其中謂之桓公溝南至方
與縣入于河水河水又東逕秦梁夾岸積石一里
高二丈言秦始皇東巡所造因以名焉

水經注 卷八 二十六

河水又東過湖陸縣南東入於泗水

澤水所鍾也尚書曰浮于淮泗達于河是也東觀
漢記曰蘇茂殺淮陽太守得其郡營廣樂大司馬
吳漢圍茂茂將其精兵突至湖陸與劉永相會濟
陰山陽濟兵於此處也孫云按史記索隱曰湖陸
縣屬山陽章帝改曰胡陸
又東南過沛縣東北

濟與泗亂故沛納于稱矣東觀漢記安平侯蓋延
傳曰延為虎牙大將軍與戰水軍水軍一作永
等即劉永也反
走溺水者半後與戰連破之遂平沛楚臨淮悉降

水經釋文達于河
注云說文作沛字
谷河字傳寫誤

延令沛修高祖廟置嗇夫祝宰樂人因齋戒祠高廟也

又東南過留縣北

留縣故城翼佩泗濟宋邑也春秋左傳所謂侵宋呂留也故繁休伯避地賦曰朝余發乎泗洲夕余宿于留鄉者也張良委身漢祖始自此矣終亦取封焉城內有張良廟也

又東過彭城縣北睢水從西來注之

濟水又南逕彭城縣之故城東北隅不東過也睢

水經注

卷八

二十七

水自西注之城北枕水湄

濟水又南逕彭城縣故城東

不逕其縣北也蓋經誤證

又東南過徐縣北

地理志曰臨淮郡漢武帝元狩五年置治徐縣王莽更之曰淮平縣曰徐調國也春秋昭公三十年吳子執鍾吾子遂伐徐防山以水之遂滅徐徐子奔楚楚救徐弗及遂城夷以處之張華博物志錄著作令史茅溫所為送劉成國徐州地理志曰徐

等云片各丘
海之變古今
一以定向

疑有脫誤

諱云死乃化
能當以子貴
耶

偃王之異言徐君宮人娠而生卵以為不祥棄之於水濱孤獨母有犬名曰鵠倉獵於水側得棄卵銜以來歸獨母以為異覆煖之遂成兒生時偃故以為名徐君宮中聞之乃更錄取長而仁智襲君徐國後鵠倉臨死生角而九尾實黃龍也偃王昔之徐中

昔字誤謝云疑作厓埤云當作葬按今見博物志云偃王葬之徐梁界內是也

有狗壟焉偃王治國仁義著聞欲舟行上國乃導溝陳蔡之間得朱弓矢以得天瑞遂因名為號自稱徐偃王江淮諸侯服從者三十六國周王聞之

水經注

八卷八

二十八

遣使至楚令伐之偃王愛民不鬪遂為楚敗北走彭城武原縣東山下百姓隨者萬數因名其山為徐山山上立石室廟有神靈民人請禱焉依文即事似有符驗但世代綿遠難以詳矣今徐城外有徐君墓昔延陵季子解劍於此所謂不違心許也又東至下邳睢陵縣南入于淮

濟水與泗水澤

宋本作潭

淘東南流至角城同入淮經

書睢陵誤耳

水經注卷八

八十七百九